



"GENERASI MUDA HARAPAN AGAMA"

الْحَمْدُ لِلَّهِ الْقَائِلِ: نُورٌ عَلَى نُورٍ ^{قَل}يَهْدِي اللَّهُ لِنُورِهِ
مَنْ يَشَاءُ ^جوَيَضْرِبُ اللَّهُ ^{قَل}الْأَمْثَلَ لِلنَّاسِ وَاللَّهُ بِكُلِّ
شَيْءٍ عَلِيمٌ.

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ
وَأَشْهَدُ أَنَّ مُحَمَّدًا عَبْدُهُ وَرَسُولُهُ. اللَّهُمَّ صَلِّ
وَسَلِّمْ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ
أَجْمَعِينَ.

أَمَّا بَعْدُ، فَيَا أَيُّهَا الْمُسْلِمُونَ! اتَّقُوا اللَّهَ، أَوْصِيكُمْ
وَأَيَّايَ بِتَقْوَى اللَّهِ فَقَدْ فَازَ الْمُتَّقُونَ. قَالَ اللَّهُ



تَعَالَى: يَأَيُّهَا الَّذِينَ ءَامَنُوا اتَّقُوا اللَّهَ حَقَّ تَقَاتِهِ وَلَا
تَمُوتُنَّ إِلَّا وَأَنْتُمْ مُسْلِمُونَ.

Sidang Jumaat Yang Dirahmati Allah,

Marilah kita bersyukur dengan nikmat Islam dan Iman yang telah kita kecapai selama ini dengan berusaha menambahkan ilmu dan amal serta ketaqwaan kita kepada Allah SWT dengan melaksanakan segala perintah-Nya dan meninggalkan segala larangan-Nya sehinggalah kita akhirnya mendapat kebahagiaan di dunia mahupun di akhirat.

Sidang Jumaat Yang Dirahmati Allah,

Sesungguhnya perjuangan untuk membentuk ummah memahami Islam dan meletakkan pengabdian semata-mata kepada Allah sehingga akhirnya menerima Islam sebagai anutan, cara hidup dan akidah ke setiap sanubari insan itu sesuatu yang payah, tetapi ianya bukan suatu yang mustahil sekiranya ia berjalan tersusun rapi, istiqamah dengan berbekalkan ilmu dan jihad yang berterusan.

Keyakinan, kejujuran, semangat dan tindakan adalah merupakan ciri-ciri utama para sahabat nabi yang terdiri daripada para pemuda yang beriman sehingga Islam terserlah ke seluruh dunia. Ini kerana asas keimanan itu ialah hati yang cerdik, sanubari yang jernih dan bersih. Manakala asas bagi setiap tindakan pula ialah keazaman yang tinggi, gagah lagi tabah. Inilah wajah angkatan pemuda, sejak dahulu hingga



sekarang, tetap merupakan tiang atau pasak bagi kebangkitan sesuatu umat.

Sidang Jumaat Yang Dirahmati Allah,

Sejarah Islam telah memaparkan kehebatan Sultan Muhammad Al Fatih yang telah berjaya menewaskan tentera salib dengan menakluki Kota Constantinople yang juga menyebabkan berakhirnya Empayar Byzantine dalam usianya 21 tahun. Ramai kawan dan lawan kagum dengan kepimpinan beliau melaksanakan taktik dan strategi peperangan yang sangat ampuh dan dikatakan terkemuka pada zamannya. Baginda jugalah yang menukar nama Constantinople kepada Islambol (Islam keseluruhannya). Kini nama tersebut telah ditukar oleh Mustafa Kamal Atatürk kepada Istanbul. Di atas jasanyalah, Masjid Al Fatih telah dibina bersebelahan makamnya.

Baginda merupakan anak didik Syeikh Syamsuddin yang mana merupakan keturunan Abu Bakar As-Siddiq. Ciri kehebatan pemimpin yang masih pemuda ini ialah bahawa beliau tidak pernah meninggalkan solat wajib, tahajud dan rawatib sejak baligh di samping memiliki kecerdikan, berwawasan jauh, akhlaknya terpuji, tegas dan warak dan lain-lain sehinggalah ke saat baginda meninggal dunia.

Sidang Jumaat Yang Dirahmati Allah,

Apabila kita menyorot kembali suasana anak-anak muda dewasa ini, berapa peratuskah yang hadir ke masjid, menutup aurat sempurna, berapa peratus yang solat lima waktu, berakhlak mulia, berpelajaran, bekerjaya dan yang menyumbang kepada kerja-kerja amal ke arah pembangunan manusia?



Demi kesinambungan Negara kita dan jaminan pada waktu yang mendatang dapat dipertahankan, tidak cukup hanya kita melihat ramainya golongan terpelajar masuk ke universiti tetapi hampa agamanya. Tidak cukup kita melihat ramainya golongan cerdik pandai tetapi nilai integritinya tersisih ke tepi. Tidak hanya kita melihat kemajuan dan pembangunan fizikalnya hebat tetapi pembangunan rohani dan akhlaknya tercicir dan hilang.

Oleh itu sepatutnya para pemuda harus berfikir panjang, bekerja keras, bahkan mestilah menentukan sikap untuk tampil ke hadapan demi untuk menyelamatkan dan menunaikan hak-hak umat dengan sempurna.

Kita tidak mahu melihat generasi muda memilih sikap terlalu selesa sehingga tidak mahu berfikir dan berbuat apa-apa, sedangkan kewajipan menegakkan Islam dan menegakkan akidah Islam itu perlu dilaksanakan.

Kita sewajarnya memahami bahawa perjuangan hidup sebenarnya di bumi Allah ialah untuk menjadi khalifah. Mereka akan memperoleh kemenangan di dunia dan akhirat.

Firman Allah dalam Surah an-Nur ayat 55:

وَعَدَ اللَّهُ الَّذِينَ ءَامَنُوا مِنكُمْ وَعَمِلُوا الصَّالِحَاتِ
لَيَسْتَخْلِفَنَّهُمْ فِي الْأَرْضِ كَمَا اسْتَخْلَفَ
الَّذِينَ مِن قَبْلِهِمْ وَلَيُمَكِّنَنَّ لَهُمْ دِينَهُمُ الَّذِي
ارْتَضَى لَهُمْ وَلَيُبَدِّلَنَّهُم مِّن بَعْدِ خَوْفِهِمْ أَمْنًا



"Allah menjanjikan orang yang beriman dan beramal soleh di kalangan kamu bahawa Dia akan menjadikan mereka khalifah-khalifah yang memegang kuasa pemerintahan di bumi, sebagaimana Dia telah menjadikan orang sebelum mereka khalifah-khalifah yang berkuasa dan Dia akan menguatkan serta mengembangkan agama mereka yang telah diredhai-Nya untuk mereka dan Dia juga akan menggantikan bagi mereka keamanan setelah mereka mengalami ketakutan".

Sidang Jumaat Yang Dirahmati Allah,

Dengan pelbagai corak pemikiran, pegangan dan budaya yang bersimpang siur yang akhirnya akan melemahkan kekuatan pemuda, maka satu program perlu dilaksanakan demi untuk melihat masa hadapan Islam di tangan para pemuda hari ini:

Pertama : Hendaklah Memahami Islam Secara Sahih dan Menyeluruh.

Kekeliruan Islam atau salah faham terhadap Islam seperti menanggapi Islam tanpa jihad, fahaman libral dan plural, fahaman perlunya penafsiran semula terhadap al-Quran, mempertikai dan mempersendakan hukum-hakam al-Quran dan Sunnah, memperlekeh amalan-amalan ulama' yang mu'tabar dan sebagainya adalah bentuk dakyah-dakyah baru yang mengelirukan dan menyesatkan umat Islam.

Kita hendaklah mengetahui dan memahami Islam secara syumul daripada sumbernya yang asal iaitu al-



Quran, as-Sunnah, Ijmak dan juga Qias. Dari sinilah kita mengetahui Islam sebenarnya sehingga mampu menjawab segala penyelewengan yang wujud.

Firman Allah SWT dalam Surah az-Zumar ayat 22:

أَفَمَنْ شَرَحَ اللَّهُ صَدْرَهُ لِلْإِسْلَامِ فَهُوَ
عَلَىٰ نُورٍ مِّن رَّبِّهِ ۖ فَوَيْلٌ لِّلْقَاسِيَةِ قُلُوبِهِمْ
مِّن ذِكْرِ اللَّهِ ۚ أُولَٰئِكَ فِي ضَلَالٍ مُّبِينٍ ﴿٢٢﴾

"Jika demikian, adakah orang yang telah dilapangkan Allah dadanya untuk menerima Islam, lalu ia tetap berada dalam cahaya (hidayah) daripada Tuhannya, (sama seperti orang yang tertutup mata hatinya dengan selaput kederhakaan)? Maka kecelakaan yang besar bagi orang yang keras membatu hatinya daripada menerima peringatan yang diberi oleh Allah. Mereka yang demikian keadaannya adalah dalam kesesatan yang nyata".

Kedua : Hendaklah beramal dengan Islam.

Sesungguhnya Islam itu bukanlah semata-mata ilmu pengetahuan yang ditimba, diperdebatkan atau hanya ditulis dalam karya-karya tertentu. Sedangkan



Allah SWT mahukan para hambaNya mengenal (ma'rifah) dengan hatinya akan kewujudan Allah lantas dapat menyampaikannya kepada segenap manusia.

Rasulullah s.a.w mengajar kita berdoa dalam sebuah Hadis yang diriwayatkan oleh Ahmad:

اَللّٰهُمَّ اِنِّىْ اَعُوْذُ بِكَ مِنْ عِلْمٍ لَا
يَنْفَعُ، وَعَمَلٍ لَا يُرْفَعُ، وَقَلْبٍ لَا
يَخْشَعُ، وَقَوْلٍ لَا يُسْمَعُ.

"Ya Allah, sesungguhnya aku berlindung dengan-Mu dari ilmu yang tidak berfaedah, dan amalan yang tidak diterima, dan hati yang tidak khusu', dan perkataan yang tidak didengari".

Ketiga : Hendaklah Menyeru Ummah Kepada Islam.

Sesungguhnya tidak cukup seseorang itu sekadar soleh pada dirinya tetapi pada masa yang sama membiarkan orang lain bergelumang dengan maksiat. Tidak cukup sekadar beriman dan beramal soleh, tetapi mengabaikan usaha dakwah dan jihad.

Tugas kita mestilah mengajak manusia kepada kebaikan dan melarang mereka daripada melakukan



kemungkaran. Kita mengajak mereka beriman, solat dan melakukan segala kebaikan sebagaimana Luqman mengajar anaknya.

Firman Allah dalam Surah Luqman ayat 17:

يَبْنِيَّ أَقِمِ الصَّلَاةَ وَامْرُءًا بِالْمَعْرُوفِ وَأَنَّهُ
عَنِ الْمُنْكَرِ وَأَصْبِرْ عَلَىٰ مَا أَصَابَكَ إِنَّ
ذَلِكَ مِنْ عَزَمِ الْأُمُورِ ﴿١٧﴾

"Wahai anak kesayangnku, dirikanlah solat dan suruhlah (manusia) berbuat kebaikan, serta laranglah (manusia) daripada melakukan perbuatan yang mungkar dan bersabarlah atas segala bala bencana yang menimpamu. Sesungguhnya yang demikian itu termasuk dalam urusan-urusan yang diwajibkan".

Keempat : Hendaklah Mengikat Hidup Sentiasa Berjamaah.

Sesungguhnya Islam tidak akan terserlah keagungannya jika sekiranya dilaksanakan secara individu atau perseorangan. Perjuangan yang besar untuk mengajak umat manusia menyembah Allah lantas mengajak mereka sama-sama berjuang meninggikan ugama Allah sudah barang pasti ia tidak mungkin



dilaksanakan secara individu melainkan perlu dituntaskan secara kolektif atau berjamaah. Keberkatan dan kekuatan akan terserlah sekiranya kita berkumpul kerana Allah, berkorban bersama kerana Allah, saling memberi kasih sayang, bersatu padu atas nama ukhwah Islam bersama kerana Allah, memahami masalah bersama dan bertindak bersama sudah tentulah Islam semakin kuat.

Firman Allah SWT dalam Surah at-Taubah 71:

وَالْمُؤْمِنُونَ وَالْمُؤْمِنَاتُ بَعْضُهُمْ أَوْلِيَاءُ
بَعْضٍ يَأْمُرُونَ بِالْمَعْرُوفِ وَيَنْهَوْنَ
عَنِ الْمُنْكَرِ وَيُقِيمُونَ الصَّلَاةَ
وَيُؤْتُونَ الزَّكَاةَ وَيُطِيعُونَ اللَّهَ
وَرَسُولَهُ أُولَئِكَ سَيَرْحَمُهُمُ اللَّهُ إِنَّ اللَّهَ
عَزِيزٌ حَكِيمٌ

"Dan orang yang beriman, lelaki dan perempuan, setengahnya menjadi penolong bagi setengahnya yang lain; mereka menyuruh berbuat kebaikan, dan melarang daripada berbuat kejahatan; dan mereka mendirikan solat dan menunaikan zakat, serta taat kepada Allah dan



Rasul-Nya. Mereka itu akan diberi rahmat oleh Allah; sesungguhnya Allah Maha Perkasa, lagi Maha Bijaksana”.

Sidang Jumaat Yang Dirahmati Allah

Marilah kita bermuhasabah diri, apakah kita telah menunaikan hak dan tanggungjawab ini demi untuk melindungi akidah, syariat, akhlak, budaya serta peraturan hidup berdasarkan Islam. Apakah para pemuda kita menanggapi bahawa sangat pentingnya hidup berpaksikan Islam. Marilah kita sama-sama menggembeling kefahaman kita agar lahir para pemuda menjadi benteng kepada agama, bangsa dan Negara.

أَعُوذُ بِاللَّهِ مِنَ الشَّيْطَانِ الرَّجِيمِ
كَخُنْ نَقْصُ عَلَيْكَ نَبَأَهُمْ بِالْحَقِّ إِنَّهُمْ فِتْيَةٌ ءَامَنُوا
بِرَبِّهِمْ وَزِدْنَاهُمْ هُدًى

“Kami ceritakan kepadamu (Wahai Muhammad) perihal mereka dengan benar. Sesungguhnya mereka itu adalah anak-anak muda yang beriman kepada Tuhan mereka dan Kami tambahkan mereka dengan hidayah”.

(Al-Kahfi : 13)



بَارَكَ اللَّهُ لِي وَلَكُمْ بِالْقُرْآنِ الْعَظِيمِ،
وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ
الْحَكِيمِ وَتَقَبَّلْ مِنِّي وَمِنْكُمْ تِلَاوَتَهُ، إِنَّهُ هُوَ
السَّمِيعُ الْعَلِيمُ.

أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي
وَلَكُمْ وَلِسَائِرِ الْمُسْلِمِينَ وَالْمُسْلِمَاتِ،
فَاسْتَغْفِرُوهُ إِنَّهُ هُوَ الْغَفُورُ الرَّحِيمُ.



KHUTBAH KEDUA

الْحَمْدُ لِلَّهِ الَّذِي جَعَلَنَا مِنَ الْمُسْلِمِينَ، وَرَزَقَنَا
مِنَ الطَّيِّبَاتِ. أَشْهَدُ أَنْ لَا إِلَهَ إِلَّا اللَّهُ وَحْدَهُ، لَا
شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ، وَرَسُولُهُ.

اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ
وَعَلَى آلِهِ وَصَحْبِهِ وَمَنْ تَبِعَهُمْ بِإِحْسَانٍ إِلَى يَوْمِ
الدِّينِ.

أَمَّا بَعْدُ، فَيَا عِبَادَ اللَّهِ، اتَّقُوا اللَّهَ فَقَدْ فَازَ
الْمُتَّقُونَ. قَالَ اللَّهُ تَعَالَى: إِنَّ اللَّهَ وَمَلَائِكَتَهُ
يُصَلُّونَ عَلَى النَّبِيِّ يَا أَيُّهَا الَّذِينَ آمَنُوا صَلُّوا
عَلَيْهِ وَسَلِّمُوا تَسْلِيمًا.



اَللّٰهُمَّ صَلِّ وَسَلِّمْ عَلٰى سَيِّدِ الْمُرْسَلِيْنَ وَارْضَ
اَللّٰهُمَّ عَنْ اَصْحَابِهِ وَقَرَابَتِهِ وَاَزْوَاجِهِ وَذُرِّيَّاتِهِ
اَجْمَعِيْنَ.

اَللّٰهُمَّ اغْفِرْ لِلْمُسْلِمِيْنَ وَالْمُسْلِمَاتِ وَالْمُؤْمِنِيْنَ
وَالْمُؤْمِنَاتِ الْاَحْيَاءِ مِنْهُمْ وَالْاَمْوَاتِ، اِنَّكَ سَمِيعٌ
قَرِيبٌ مُّجِيبُ الدَّعَوَاتِ وَيَا قَاضِيَ الْحَاجَاتِ. اَللّٰهُمَّ
اِنَّا نَسْأَلُكَ وَنَتَوَسَّلُ اِلَيْكَ بِنَبِيِّكَ الْاَمِيْنِ، وَنَسْأَلُكَ
بِاسْمَائِكَ الْحُسْنٰى وَصِفَاتِكَ الْعُظْمٰى اَنْ تَحْفَظَ بَعِيْنَ
عِنَايَتِكَ الرَّبَّانِيَّةِ وَبِحِفْظِ وَقَايَتِكَ الصَّمَدَانِيَّةِ، جَلَالَةَ
مَلِكِنَا الْمُعَظَّمِ سُلْطَانَ سَلَاطُوْر، سُلْطَانَ شَرَفِ الدِّيْنِ
ادريس شاه الحاج ابن المرحوم سُلْطَانَ صَلَاحِ الدِّيْنِ
عبد العزيز شاه الحاج.

اَللّٰهُمَّ اَدِمِ الْعَوْنَ وَالْهَدَايَةَ وَالتَّوْفِيقَ، وَالصِّحَّةَ
وَالسَّلَامَةَ مِنْكَ، لَوْلِيَّ عَهْدِ سَلَاطُوْر، تَعَكَوْ اَمِيْر شَاه



إِبْنِ السُّلْطَانِ شَرَفُ الدِّينِ اَدْرِيسِ شَاهِ الْحَاجِ فِي
أَمْنٍ وَصَلَاحٍ وَعَافِيَةٍ بِمَنْكَ وَكَرَمِكَ يَا ذَا الْجَلَالِ
وَالْإِكْرَامِ. اَللّٰهُمَّ اَطْلُ عُمْرَهُمَا مُصْلِحِينَ لِلْمُوظَّفِينَ
وَالرَّعِيَّةِ وَالْبِلَادِ، وَبَلِّغْ مَقَاصِدَهُمَا لِطَرِيقِ الْهُدَى
وَالرِّشَادِ.

Ya Allah, Engkaulah Tuhan yang berkuasa, kami bersyukur kehadiran-Mu yang melimpahkan rahmat dan nikmat, sehingga kami dapat meneruskan usaha ke arah memperkukuhkan negara umat Islam khususnya negeri Selangor, sebagai negeri idaman, maju, sejahtera dan berkebajikan.

Justeru, kami pohon kehadiran-Mu ya Allah, tetapkanlah iman kami, tingkatkanlah amal kami, kukuhkanlah perpaduan kami, murahkanlah rezeki kami, tambahkan kami dengan ilmu dan kemahiran, suburkanlah jiwa kami dengan akhlak mulia, lindungilah kami daripada ujian-Mu yang berat seperti kemarau panjang, banjir besar, wabak penyakit, persengketaan, kemiskinan dan lain-lain, supaya hidup kami akan sentiasa bertambah makmur dan berkat.

Ya Allah, bukannya hati kami, untuk melaksanakan ibadah zakat sebagaimana yang telah Engkau fardhukan. Berkatilah hidup orang yang melaksanakan tuntutan berzakat, menyayangi fakir dan miskin. Sucikanlah harta dan jiwa mereka, lindungilah golongan fuqara' dan masakin daripada kekufuran dan kefakiran yang berpanjangan.



Demikian jua Ya Allah, tambah dan luaskanlah rezeki orang yang mewakafkan hartanya di negeri ini, limpahkanlah nikmat iman dan kesihatan yang berpanjangan kepada mereka, terimalah wakaf mereka dengan ganjaran pahala yang berkekalan hingga ke hari akhirat.

رَبَّنَا هَبْ لَنَا مِنْ أَزْوَاجِنَا وَذُرِّيَّتِنَا قُرَّةَ أَعْيُنٍ
وَأَجْعَلْنَا لِلْمُتَّقِينَ إِمَامًا. رَبَّنَا ءَاتِنَا فِي الدُّنْيَا حَسَنَةً
وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَانِ
وَإِيتَايَ ذِي الْقُرْبَىٰ وَيَنْهَىٰ عَنِ الْفَحْشَاءِ
وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ



فَاذْكُرُوا اللَّهَ الْعَظِيمَ يَذْكُرْكُمْ وَاشْكُرُواهُ عَلَىٰ
نِعَمِهِ يَزِدْكُمْ، وَاسْأَلُوهُ مِنْ فَضْلِهِ يُعْطِيكُمْ وَلَذِكْرُ
اللَّهِ أَكْبَرُ وَاللَّهُ يَعْلَمُ مَا تَصْنَعُونَ.